



1381




秋澗先生大全文集
六



Inches 1 2 3 4 5 6 7 8
Centimetres 1 2 3 4 5 6 7 8 9 10 11 12 13 14 15 16 17 18 19

TIFFEN Color Control Patches © The Tiffen Company, 2007

Blue Cyan Green Yellow Red Magenta White 3/Color Black



秋澗先生大全文集第十九

七言律詩

老境六適并序

夫人生百歲如馳駟過隙能幾七十者又復幾人
所謂倘來外物猶浮雲過日亦何足道哉因感壯
年所行多輕生之事趨前太猛一也讀書過分二
也飲酒無量三也妄慮坐馳四也喜談耗氣五也
戰藝多勞六也不月今年已踰六旬念此六失覺
五十九年之間何翅是耳而驚而愕且畏且怖豈
勝既哉故養生之念蹶然生于中蓋其勢有不得
不然者因作老境六詠庶幾與吾同疾者聞之不
無少有所戒亦老者安之之意也至于直達性情



以救往失初不以工與拙為計也幸觀者無謂至
元二十四年冬十一月一日秋澗老人謹白

飯飽即步

殘書讀罷午餘信步徐行當澤車接武徑過通德
里談玄時到故人廬老便步穩靴無襪靜愛聲琴洞
有珺相送歸時燈已上到床一枕即華胥

目倦忘書

辛苦雙明六十強滿前花黑理應常酒盃縱對甘無
分書卷相看任又忘虛室靖深便默坐午窓晴爛怯
餘光悠悠未了三千牘吟諷從今付窟即

言慎養氣

聚首閑談足是非到頭贏得小人歸屬垣有耳聾捫

舌守口如餅慎動機珍惜無先吾氣浩坐忘深識道
心微客來客去俱恬靜克已存誠恐庶幾

食甘戒飽

食前方丈肉如陵莫遣分毫胃氣勝百斛盡從中所
過微軀能不病相仍已飢便飫甘能止過軟雖鮮熱
即乘此是老坡真聖樂免教携杖去騰騰

寤寐絕思

夢神依例到殘更目似鯨魚了不瞑正為膽寒增展
轉不緣身老惜伶俜除玄覽歸安靜宰制心君入
杳冥昨日早興襟韻足不知青鏡鬢星星

息藝休心

辭筆縱橫更老成祗來虛譽不根經風雲滿眼嗟何

有月露盈箱笑未停肆口成章終妾作忘言休思是
頤齡子淵直在心齋妙一字何嘗及性靈

坐倦即眠

坐暖團蒲倦自然夢歸先到蝶飛邊
簪凝絕疑盤石肩并斜傾似墮
香散餘馨極翠被燭搖寒影掩
殘編老來境界無多味飢即思
殮困即眠一作不教
念氣加語

體愛熱中
和論性篇

香吟燈殘靜掩惟竹牕幽思獨依依
時情久與詩情澹銳氣夜氣歸空控孤
膺堅鶻坐漸驚縫掖擁
腰圍味雖同體未分甘從
朽水譏

汲城懷古

尚父祠荒草滿扉伍城猶在陣圖圍
飛梁水落橫霜

賴石馬門空半夕暉竹簡有光陵寢破山川
是昔人非臨風笑煞安釐事甘着虛名博禍機

夢王尚書子勉時罷中丞在揚州

丁巳月

分明昨夜夢王襄海上歸來從鳳毛燈下留連
醉筆端揮洒挾風濤滿囊文具為余贈四座春風倦
士豪與客忽從窻隙去惘然驚覺聽鷄號

冬藏

木葉歸根到閉關遇藏初匪避冬寒孔宣何苦韋三
絕顏氏胡為樂一簞庭戶信知吾道在光陰移入畫
圖看此邦雖小無窮事定力先須似石盤

小邑都來掌許間紛紛人事日多端敢言絕學希
不解呼盧去劫韓身老轉驚謀道拙時艱難作強

歌歡正須一室虛明地時着閑身引睡看

丁亥歲十月十日夜夢乘船渡一大河既
濟望南岸一閣高數百尺牕力北向自簷
至地上下以琉璃大簾垂蔽翠色半天甚

奇麗也

雲間高閣翠為簾疑是仙居擁衛嚴虹影蕩搖青帝
闕海風吹墮寶陀嵐半空倒景驚奇絕千文搖光入
顧瞻我自平生多異夢似怜方朔詫雄談

筍飲

李縣丞靖伯約嘗新釀坐客有云酒之醇
粹莫胚胎若也遂筍而飲之偶得獨脚句
醉歸為足成之如能可君等雅意便當屬

和時至元丁亥冬十月八日也

瑟縮松風滿蕊春羞頭筍飲有餘薰醉鄉日月時須
到太極胚胎昔未分肯放小槽珠作滴快傾浮蟻玉
為群人間愁緒知多少一醅能消正要君

誰凝鯨吞壑綠樽一杯聊示試芳温中含妙理何多
味細捲春江俚帶渾談藉清光搖北海詩憑風韻繞
西崑知君預報時須意免致來敲月下門

透月岩

偶到君家思適然一峰奇石墮吾前千金欲買初無
價百穴潛通小有天花露逗香滋碧潤月娥含景愛
幽妍從今紫翠芙蓉夢不到齊州落照照邊

成氏西灣即事

栽種西灣趣已成主人置酒約同傾
小車來駐林間閣藜杖閑看兩石耕
老圃生涯非細事滄浪清濁任吾纓
少陵苦愛溪居好興在千章夏水清

南陌東城占却春西灣深處竄藏珍
青芽破粒柔桑穉紅袖迎門杏蕾新
醉裏光風多樂事老來清貴是閑人
就中更愛清溪水隔斷西風瘦亮塵

壯年心事幾虧成每對蒼髯聽細傾
夢裏江湖幾走遍林間雞犬却歸耕
潘輿正要閑居賦蘭佩誰堪海縣纓
脫却烏紗有忙事瓦頭春釀漉生清

海縣調周
海縣令也

清明日花下獨酌時歲止七
日游溪作

人家拜掃重清明羅綺翻香曉吹輕
不欲把書成兀

坐也隨遊子出重城閑雲弄日何多態
春水平橋不礙行勝事自知還獨往一壺未就淺沙傾

後一日雨中招林韓李三君子小酌且為梨花洗粧時新植梨花
一特盛開

花滿金罍酒滿樽一盃歡飲得佳賓
近年樂事無今歲此際閑身有幾人
祿羨勝於三品料臘香清徹六根
塵風簷數點催粧雨辨與梨花作好春

東坡汲乳泉圖

儋州遷客玉堂仙服食天教得乳泉
三巖遽驚滋浩氣一甘無壞是冷淵
中朝清議孤忠裏瘡海鯨波九死邊
落月澹隨人不見滿襟風露獨翛然
道宮獨發乳泉香以與坡仙養浩方并列不從炎海

瘴味甘還比上池觴化機軒豁元胎濕孤影追隨月
色蒼天地此身忠義在一杯三盞濯肝腸

送姬仲實隱士北還

紛紛未術例從諛邂逅淇南論有餘賈傳自怜多感
慨東門何意泥孤虛兩連賓館留三宿天遣幽懷為
一抒覺我胸中聞未有九峰新說曆家書仇一峰篇

壽器之國醫

學開金櫃得真傳濟物功深不自賢前輩推揚獨
步後來誰與子爭先青衿有術扶衰謝白髮相看度
歲年此日樽前祝君壽一杯還代上池淵

白簽事彥隆哀辭

素菴一氣本龍佟心苦時遠揉與同強仕有懷三品

料發言都是四書功愁隨野草憂春雨恨滿山城對
學宮誰為魯齋興起地古共門外便秋風

王師中哀辭

玉樹庭階自幼看九霄雲路到鵬搏天門折翼差何
及宅相論微理未安咄咄向空書恠事消消揮淚濕
門闌應怜遺愛祠前拓恨鎖秋風月影寒

壽少尹寶同知室丁平章子

秀稟金天一氣品規模全是漢專城當官治劇有餘
裕臨事知幾見老成門闕起身真相種天池刑羽看
鵬程一杯領取千秋壽細着檀槽合玉箏

顏氏冠詩寄蒲城主仲白祠李知觀

一握儒冠綴七梁金絲勻織玉為相願瞻遺制從顏

始陪侍先師見色莊巾卷在庭聊束髮玉簪橫影夢
升堂切雲莫羨如箕大曾冠三千弟子行

紋背簾梁玉色瑳師傳元與薛同科薛漢高西漢冠師此高帝紀

要盤白髮三千丈閑過春風十二窠衰俗幸存加冠

禮滄浪無用濯纓歌敝餘改作須重巧玉導先期為

細磋

朱砂餠菊詩并序

秋澗翁觀化於秀春園見菊之種甚多有
所謂朱砂餠烟脂紅予以白與黃菊之正
色今變幻若爾何哉或曰接之於艾致然
予試為之說曰艾火草也菊亦陽種也以
二物方盛之時使客於艾之末末有不隨

其主之盛氣而變者又赫以鮮者陽之精
也故有硃砂之異此雖小事亦氣化之類
也格物者不可不知故序

玉餅金蟬爛熳秋朱砂為質更風流天機欲測司花
巧物色先從氣類求孕秀似隣勾漏并分香當上絳
霄樓朱顏厭對柴桑客恐觀空杯笑不休

送錄事薛彥暉秩滿北上

秦隴風聲化有節規模况自左山來三年弊邑淹良
驥一日銓曹得茂材撫字論功書上考薦能覈實到
兼該春風領取新除去喜動門山兩翼開

王尚書子勉挽辭三首

淡洒行間閱尺書計聞三至尚疑虛佳城一闕無開

日聯事三年忝貳車詞筆早推韓愈健曠懷未覺孔
融踈那知一夢終天別惆悵春風隔綺疏

少孤綿歷太遲遭甫壯光榮四十年氣運倘來方出
限愛心先斷便終天魂飛楚些和雲慘淚洒淮壖與
海連左袒客友三匝去延陵宜為聖稱賢

婉耍英姿自妙年奎光空照玉堂仙辦教一世龍門
重誰遣三王鼎足偏曠度包荒無微略秋濤翻海失
鱸鱸百觚未醉螺臺酒重為斯文一玄然

遊蒼峪青岩山有懷烈士甄濟

義重於生視若歸封刀無復騁霜威千年喬木高風
在一片青岩烈日暉元稹論忠真不愧臬卿摧逆與
幾希環山弋獵猶知畏白鳥衝煙自在飛

商左山副樞承晏念及作詩以答雅意

四十年間九九遇感公翦拂使長鳴三蒼論法傳餘
蘊七扎量能綴賤名曉日嶽祠留語別秋風章曲戲
予行傷心綠野堂前月空遣流光照斗城

賀士常侍御受吏部尚書

識鑒久歸清議裏 恩光今著履聲中文章曹植波
瀾小星斗潮陽譽望隆除重不知黃散日輸誠思補
燮調功從今不鎖春風部管取銓衡被至公

題懷孟路宋總管太夫人九秩詩卷

七十邦君九十親人間此事少同倫栢舟高節徽彤
管寫誥清光照畫輪步履不綠扶杖健精神猶比結
禱新河陽莫說潘輿樂沁水花時別有春

身龍家温親老健福全無似宋門榮漢宮傳訓班儀
在萊子承顏彩袖輕孤節勁於相水竹九齡春動野
王城年年壽席聞佳語南極星邊婺女明

和陶主簿見寄詩韻時主肥鄉簿

半生鄉國共游居老去文交樂更餘苦厭物情多薄
相每吟風雅入吾廬一官稍得寬民力三飭何憂進
野疏聞說列人真吏隱竿頭還有再懸魚

哀挽亡友中丞王元五首

百蛇墮地一能龍知己相須不易逢僧孺固應知杜
舍臧洪初不負張公扶搖羽翩翩溟海作養功名上
景鐘自笑澗松居不巧半生清露到虛蒙
嚶嚶求友幼同聲五十年來好弟兄零落山丘有今

日笑談樽俎意平生酒壚不隔河山斷陰翦其如骨

最征用韓文公臨終事寂寞道遥堂後木對床風雨最關情

故人牢落曉星疎此日三王獨在子泉壤冷埋和氏

璧牙籤空見鄰侯書問誰久視嗟同盡老失知音慘

自餘從此故祠鍾鼓地謂去歲冬用三獻禮社母夫人

尚過庭趨處半靡蕪參議公在時賓客與君相接者

衆响漂山不易安勢張那復漲狂瀾一時附會真堪

畏此際支持誠獨難具錦斐文哀巷伯瑤琴幽憤變

猗蘭一言曾擬植矣辨醉裏哀箏爲謝彈

病臻留飯作終天示我新文已惻然奇疾變常纔四

日佳城埋恨便千年囑遺不及私門事燕翼全規誠

子篇惆悵西山埋恨處定應大鳥淚如泉楊震事

牡丹

洛譜丹青說典刑，盡欄春日見升平。金盤薦品承朝露，翠幄留香護玉鈴。神女賦中羅襪步，少陵詩裏麗人行。百壺莫惜花前醉，樂事從來不易并。

海棠

桃李無光分落英，海棠姿色古春榮。雲鬟綠擁粧初罷，醉臉紅勻睡未醒。任使無香真可意，故教千葉更多情。光風流轉都能幾，莫惜沙頭倒玉瓶。

挽史九万戶

半生希古振長纓，隱隱曾中富甲兵。三篋補遺安世博，千金為壽魯連輕。春風故里鳴珂遠，暮雨山丘宿草生。一傳散仙懷素叙，為君珍惜比書評。

小園即事

閑來無事欲何營，揔是栽花種柳情。汲水漑餘紅藥秀，澆欄看得綠陰成。身參化育行當健，物喜安舒悟養生。放下虛惚時倦卧，夢驚還聽乳鳩聲。

小園清潤稍堪觀，翠有庭筠馥有蘭。未放薔花金作蕾，已開梨葉雪為團。鳥欣有託扶疎樹，客喜來憑詰曲欄。深院日長須細履也，勝愁坐兩眉攢。

託陶晉卿借鄭氏所藏刘房山行草效吳軀出入格

房山一字二過筆，此帖揮洒何其殊。臨游親覩長史作，透綃又似涪翁書。春葩舞女多姿態，遠韻高風見步趨。手追心慕情正切，託君為借今何如。

復作一詩以繼前韻

鄭家數幅房山書自突伎癢須臨摹五陵裘馬見年
少兩漢劔履多文儒游談得叙真可壯破塚求法何
其愚煩君更擊馮夷鼓未信驪龍不吐珠

戊子歲穀兩日

中丞王兄令李子師中携名酒洛花相餽
作詩以謝殷厚

洛艷紅嬌醴味佳併携春色照人來豐苞細拔先三
嗅醪蟻連傾尽數杯北里定應香作陣西園休詠眼
慵開維摩久病行當問好在春風紫錦臺

括九峯禹貢解北條北境之山

晉北諸山自代來

自袁武風憲四州而未

不疑首自霍山開連

迤脊脉為壺口南作析城玉屋排復折而西雷首出
一支北走太行崖次又一支為大茂四條明白不須
猜

大卿徐先生挽章

諱世隆字威卿金進士第陳州西華人官至集

壯歲魏科擢

上游如公樂易更風流文章海內元推

轂議論行間宋與儔鄉拔功存東魯盛炬蓮恩在北

門優自恰狂斐慚提獎幸遣鱸堂一拜休

東平拜公於私第之前堂時公已在病眷眷於子者甚歎既而卒于家

壽總丑劉公

一家英氣蓋遼東聞說君侯有父風作牧首分青社
土策勲誰比黑河功化行屬邑謳歌裏春自慈闈孝

養中今歲壽筵光景好榴花渾似舞裙紅

龍教授哀挽

東郡教授龍君名革字取新廣安人善賦學及五星等術士子從之學者多所沾丐至元辛巳與予相遇于滑朝夕從游者旬日一良德君子也後主魏縣簿政有聲今茲云亡其子變來宋挽章特為賦此

當年按部館南衙日夕相過興未涯楚產例佻開實

學天星推跳見名家大正山下游竟洞歸鴈亭邊望

暮沙此日題詩重惆悵為君回首養西華補齊任之子

商左山哀辭

商孫霄敏矯猶龍千載流芳見此公佐魯謀猷元克

壯定秦功力更沉雄城門被藝池魚涸臣罪當誅聖主聰老淚不緣知已痛麒麟臺上又秋風

夾谷尚書哀挽

名之奇字士常終吏部尚書

品彙流形萬不同銓量平允保清通恩非出已知誰怨天不遺賢見道窮三復苦辭歸汶上一官催老掩曹東茫茫大塊并沉裏重為清朝惜至公

追挽承旨王文康公

文章四海一康公爛爛元精貫自中廬肇名先金榜重歐陽仙去玉堂空道由實學明真用義不忘君見至忠惆悵當年門下士斷雲低處為曹東

左丞史公哀辭并序

左丞史公之薨客有云云者余曰事機之

來雖理有難處度不違於義其寵辱有不
足驚者當克明之無定力以順受輕則伊
爵而自沮重則至憂悖而殞越正以不安
而無旋故也嗚呼史公不少隱忍以光先
正之業而至於斯其命耶抑以有未安於
所受之正耶於是作是詩哀之

鬢全貂漢九鄉大階平自拓臺清俸將事業傳鍾
不特家聲藉父兄自忖行藏無所慚此生榮辱不
須驚辦姦聽徹唐君說淚洒春風滿身纓

丙戌歲中秋後二日夢過真定與宣慰張

鵬奉相會作詩為贈既竟頗記首尾意韻

因足成之

九月十一日忽英甫過衛
說張是月此日卒於真定

千里提封入控臨不知秋氣上華簪紫泥頒寵何三
詔丹宸輸忠見六歲機務固方前日簡論思尤比向
來深

潭園月轉竟孤懷媿此心

蔓慶憲副良友

十年局促伏轅駒解鞅歸來樂自如奔走止緣餬口
計支離况是不材樗常因客過知安健多謝人來問
起居把酒竹軒猶昨日清詩想似向來臞

寄贈介甫憲倅聞除吳元摠尹

方聽新除入歷城忽傳改授漢中行霜空暫息塞鴛
飛翻民社教優撫字声伏利試尋山水堰遠征先郵
異方兵如承高省相垂問老我山田二頃耕

送徐正卿秩滿還漳南

共筆灯認憶昔時只今相碩鬢成絲三年調議良多
益一道將迎不易持辭別已餘連日惡直清留在後
人思漳南未是歸樓地要與朝家作羽儀

謝湯宣慰惠書

閑來何物慰窮愁細把調元入校讎相業有方無限
事室書能幾不容抽已欣惠賜承蘇集復夢翻香上
郡樓挿架万籤容遍覽鄴侯入道是湯侯

代書寄交舊二首

匪為窮愁日著書閉門經史且相娛為怜魯酒無多味
任使陶鉞之見儲黃卷能教吾道在青雲未竟故人
踈有時夢到烏臺月奄奄猶勝閉婦車
半紙功名不足書暮年心緒若為娛背昧伎倆輸鳩

拙度歲生涯儉擔儲為寂恐貽高密笑不才爭似孔
融踈退歲入密真吾事誰遣門多長者車

西村三首和韻

種來佳樹日扶踈秋草當堦不忍鋤城府事聳閑靜
重林墟秋熟物情舒溪行改逕農耕後漁浦移梁水
退餘我自興來成獨徃手拖拄杖不巾車

近歲行藏匪自踈胷中刺鯁要誅鋤通明縱使同方
進撲鈍何如似魏舒堂上呶擾從肉食橘中游戲喜
霜餘八騶前馭非吾事正要安徐下澤車

村量身並兩筇踈去學淵明荷短鋤時事未容閑裏
過人心安得老來舒沙鷗遠汎機先識穴鼠深藏壤
有餘我輩所行多倒置旱資舟楫水資車

寄道之憲使仁兄

匪為場苗賦白駒別來多事復何如臣門最喜心如
水故第猶知里號樗落落壯為天外客潭潭老向府
中居為近司二憲使不出司故云使君若問年來况山澤依前老病
癯

聞平章由公薨於維陽以詩挽之非備語

邂逅藥江讌語頓外臺初建首先分風雲契厚真吾
相魚水情深有分民名在諫垣稱鯁直力輸

王室最公勤豐碑會見十年後猶是 中朝第一人

丙戌除夜

盤花紅卷燭光搖一歲迢迢及此宵凍坼臘香浮栢
葉暖移春意上梅梢拊心自信愚忠在流涕還悲髀

肉消揣分要知温飽力比生無地答清朝

賀文卿同簽宣慰河朔時真定連年旱乾

春風花發四隣香曲巷時過笑語長議論有方消鄙
薄功名無地不輝光簽書樞府孤忠壯懾敵長江一
葉航今日八州歸總轄又頌和氣致時祥

同簽趙公挽辭諱良強字轉之遼東人至元二十三年南遊京師卒明年正月二十四日

夜見於夢予令易其名諱辭意其切不
然目將不暇矣遂追作是詩以紀其意

識遠幾沉任獨勞不將虛譽冠時髦使華光動扶桑
日樞府謀深尚父韜四海樊川遺隱在九原精爽與
秋高分明夢裏來相託抵掌猶能似叔敖

禮部尚書許公挽辭官至祭掃大夫名國禎字述之翼城人

當年劔履上星辰忠謹持心老益振樂寵功名開壽

域朝端風度見誠臣勒漿有味霑餘論卿月分光照
近隣我自計聞增悵望白雲長處是滹垠

幽計初傳不忍聞惜從朝著失忠臣安常每懼非
常寵格物還深濟物仁貶損定交何眷厚燕閑相過
更情親麟麟細約車聲去長憶同遊過闕晨

宋宿客弘道挽辭

景玄絕學到縱橫此老猶能見典刑相府才華推上
客少微光彩動前星誠身初不離儒行進讀何妨
雜貝經正有莫教傷餒恨併隨神劍闕泉宿公舊有
萬有紛華入醉吟都將誠靜粹靈襟雲松卧壑存初
志均堯范露恩豈本心談並齊諧疑志恠學空滄海
別穿深斗間縱有龍泉氣淒斷春風綠綺琴

追悼叅政李公仲實詩有序

至元丁亥二月十日夜夢李叅政仲實再

拜向予顧指所佩鞶囊曰吾平生盡在於

此他日會須累君但不敢輕易發也既寤

悵然者久之因追作此詩以見其神交之

不昧也昔李衛公見夢於令狐綯懇其北

還綯畏其精爽白于帝得以歸葬今李侯

明以公後事來託予老且閑不知何所賴焉

冠劍風雲擁漢庭斗邊喉舌振孤聲漢儲與翼非輕

託蜀酒雖多每細傾身後哀榮光溢冊夢中精爽似

平生分明拍顧鞶囊事一縷幽光要累卿

挽教官石仲遷

名與義鄭州人少為縣吏後從李野齋學終南京教官

臨試東過僕射陂封書投贄識君時生猶積玉期三
獻死愧囊金昧四知塵世驚回黃落夢帝京悲動白
雲辭因思吾輩豪雄愛貧賤能安貴不移

送府判李侯赴調東曹其懷與政備見卒辭
邨衛交衝辦事難送迎終日不停鞍去官不到瓜期
代在分能居幕職安衙鼓通嚴披訟牒厨煙炊碧澹
蔬盤回看奔走風塵際却忠新除是振冠

代書奉寄子明宣慰

時為濟南宣慰

五載因官寓鎮陽朋簪盍處佩聲鏘金盤爛醉雲樓
酒綉屈其物反今之半齊也出光武紀一作補同披燕寢香樂事有懷終會
合名泉無計共徜徉空餘情似康崖水一脉勾連到
海長

壽子初中丞

鼓瑟春風記點同轉頭俱作白頭翁遠遊長得知時
報微恙行收勿藥功巾卷在庭隨燕几嬰香和露溫
簾攏暮年縱有周公夢輸與浮雲度太空

送史邦直之任竹山

縣屬房陵更在西一官雖遠儘施為王風漸被無遐
邇異俗能安戒鄙夷會待奇姿超駿足試教鉅頰發
囊錐彩旗開筴清江渡想見春風到任時

丙戌歲除夜

去歲椒盤一笑藥今冬除夕倍凄然莫餘靈柅鍾
後坐對陰容燭影前存歿不堪思往事康寧還喜過
今年數家剝說新春好夢到梅花小雪邊

奴星具糗送窮歸夜久蘭堂燭影低梅雪溢寒嚴厲
鼓枕香留暖潤盤犀試傾臘醞歆椒頌已覺春風拂
盡雞明日書雲臺上去蒼精橫角看杓攜

答何劉二端公

屢有人來問起居近年為况果何如每承省錄常深
感欲話行藏不敢書逐末有慚規什一歸田無力把
犁鋤時時夢到霜臺月靜聽烏聲尚起予

挽李子陽

早歲龍門接茂材相携有意上台階夜書稱快元康
在詩思爭高岳掌開落月滿梁清夢斷旅墳三尺野
烟埋微官殆似台州鄭村卷題詩擬八哀
三十年前成邂逅酒壚傾徹醉顏開筆端力挽狂瀾

倒袖裏親携大華來淚洒行間遺草在恨埋泉壤
絳摧因思秋雨蒼苔句何限令人不飲哀

錢士楚御史還臺

通家世契麟閣金駟馬南來屢見臨被露義襟餘
幅酌量時務入精深眼中白壁真無價調外朱絃有
賞音回首炎荒四千里一杯不惜為重斟

秋澗先生大全文集卷第二十

七言律詩

西溪見夢十月初八日夜五鼓初

柱面相看几格間
笑談似與浣離顏
越裝已辨宜趨
往江路雖遙不久還
魯國自來尊北海
謝家誰更作
東山蕭蕭夜雨蓬
惚曉細酌清樽與涕潛

儀封道中

驛館殘缸曙色分
馬馱殘夢走跋跋
去家已遠誰爲
侶到處相逢有故人
健羨鵬盤漸始擊
靜便蠖蟄返
求伸一杯拜酌
睢陽廟激懦扶衰尚有神

睢州道中寄友人

奉詔東行獲所安
却憐衰朽強為顏
恩緣至溼

酬無地事不預防多後艱遠馭有方清百越織埃何
補奠三山殘年正要相料理既不容辭望早還

過歸德寄何相

白髮年前六十三強扶衰朽去江南心知義重吾何
惜老不身安事恐耽弩末縱能穿魯縞病軀胡可敵
閩嵐鄉關回首四千里正賴君侯與細參

十月廿七日過下邑喜與趙彥伯侍郎相

遇作詩而別

暮色增寒慘驛亭燈垂紅燼盡情明長年幾夢溪堂
月此夜相看下邑城流落蠻方真可畏笑談樽酒且
同傾回頭楚水楓林下焔焔聲華定彥鄉

宿宋家山趙氏田舍

白髮搔來不滿簪就中誰遣世塵深野煙遙認圮槁
月霜夜初聞楚力砧長路苦吟支睡思客牕無夢耿
鄉心前行說似安夷道隱青山轉榭林

揚州送劉漢卿東歸汴梁

海鷗翻雲下錦鞬眼中人物見風流誰期淇水三秋
別却作維揚數日留樽俎留連江上月風煙吟眺竹
西樓馬頭細爵梅花句又領春風入汴州

西湖

西湖三面簇青山爭拭菱花照翠鬟蒼海月寒龍穴
露彩雲仙去鳳簫閑無多樓觀猶圖畫最好風煙近
市闌鄭重綉衣周漕使畫船春酒待余還

留別 左轄台相

兩浙江山漠霧雲吳儂輕剽到羣奔繞寬防異瀆威
霽稍困隨方以德存 龍寵優來心愈小義方嘉如
勢忘尊忠傳孝繼平生事長見風煙擁戟門賢正是
台衡職桃李
何頊在一門

已丑冬仲三日與宣慰楊子秀揔管高瑞

卿侍邸蔡甫三君子邂逅於餘杭其喜有

不勝者以詩留別情見乎辭

北來冠蓋拂吳雲試計分飛動十春意外論交緣義
重天涯相值更情親放懷樽酒難同舊照眼梅花摠
可人明日浙江江上去寄聲多逐荔支塵

下大安嶺俗云分水嶺

宿霧霏山苦未收馬衝寒雨下關頭紅雲軟脚揮三

爵碧玉攢峰湧萬丘日月麗天從北轉山川分水盡
南流漢家聲教今無外誰遣氛妖孛斗牛特汀漳州
未平故

三山元日

臺藪天香簇絳紗三山簫鼓樂年華竹枝歌後多淫
祀燕子歸來識故家荷鬢開粧餘翠貝蔬盤勻釘雜
魚鰕殊方風物雖堪賞爭遣曠年客海涯

贈之問泉尹福州庚寅三月廿一日作

社燕秋鴻十載餘天涯邂逅兩臞儒九遷論秩心何
有百折當機氣自如喬木故都思往事月明滄海炯
遺珠春風回首桐城郡時訊平安見簡書一作小書

送李司御輔之北還

名天祐安次人同年
御史也今為戶部尚

憲府乘驄憶舊遊白頭相見嶺南州地連瘴海三山
月人在元龍百尺樓此日又驚成契闊異方誰與慰
淹留交親若問衰年况夜夜秋瓜夢故丘

庚寅春三月與張參政獻子李司卿輔之

會飲九仙絕頂棋道雲嶂

四千里外同羈旅三十年來老弟兄樽俎喜陪今日
宴江山難得晚來晴巖花帶露春容濕醉袖翻香笑
語清莫對雲霞說輕舉蒼生料理正煩鄉

昔張參政奉

皆料八州民數

暇日登道山亭懷古亭在烏石山巔有碑
刻南豐記文其上刻鄰霄臺三大字

閩會東南控嶺溪斗牛無字歲無饑文風興盛猶唐
館霸氣沉雄入劔池海近重城朝日蚤山蟠平野暮
江遲危亭一片瑤鑄在晤語殘陽倚杖時

送師友真蘭寶臣二御史庚寅四月十九日

半歲相倍百越東採時人道嚮來驄劔華光動蛟螭
匣豸角霜嚴簿領叢明月共看千里隔芳峯廻憶一
樽同借來不得成借徃日斷三山羨去鴻

大中德長老見贈竹輿作詩為謝

人老筋骸不自持乘堅策駿兩非宜憐師雅意慙勤
甚惠我班輿結束奇花底徐行開看處陌頭趨進早
衙時醉歸更比籃舁穩一任山公倒接籬

贈鼓山長老平楚

不下禪床四十年老軒頭角出冷洲久從貝葉傳心
印來與雲山結靜緣蘭馥蕙光憎娥媚竹風松月共
清圓荔舟有約重登覽轉首天風恐颯然捷有盡蘭
總句故云

庚寅夏四月送

二御史回淮安道中邸事語知己者

五千里外一衰翁八郡規為與省同衆口鑠金方作
異諸生鳴鼓欲誰攻寒封老栢常年慘暖借繁葩盡
日紅夢到垂虹亭下水雲帆千尺掛秋風

遊鼓山五首并序

鼓山在閩中為特秀余到官五月

王事鞅掌未遑登覽以盡江山之勝迨明年
庚寅四月庚辰遂與天平 衆政獻子大都

李郎中德昌御史聊城師彥貞居延蘭寶臣
提刑東原曹仲明憲慎張遂良程舜臣何舜
卿來游尋前盟也辰刻抵戒院舍鞍有輿迤
邐而進至望州亭主僧平楚來迓用軟脚例
酒數行歷松關由石門入白雲寺適簽省樂
公亦供佛來此乃相與禮像殿浴佛於西
寮既而飯岩峯大室眺上方重閣降觀湧泉
步入靈源洞度喝水巖登天風海濤亭觴詠
間獻子德昌扶携上征徑欲造大頂峯足觀
紫陽遺刻石巖雲荒中途而返時宿雨濯山
林壑爭秀煙霏空翠有顧揖不暇者莫不欣
然志歸冲冲若有所得僉曰樂哉今日之遊

也吾儕越在絕域縱使重來恐無復此歡耳
至元歲月不可以不紀詩亦不當無也明日
探囊得唐律五詩俾刻諸亭上以爲山中故
事

峰迴路轉已層雲望遠風煙接海門宿靄去收千嶂
雨老僧迎勸半山樽巖幽選勝窮詩境山迥登危蹟
客魂闊絕殊方同大塊坡仙心事強爲論

筍輿同駕躡鰲臙冷帶秋聲入白雲雪竇有禪容暫
叩名山無分與平分雲憐嶺斷聯松蔭雨惜題芳護
薛靈會約贊公重借榻鼓音同向夜深聞

上方游遍雨花天洞壑尋幽得壯觀林影蕩空金界
闕天風吹袂海濤寒江山若爾不一醉杖屨再來無

此歡詩在眼前拈不出碧瀾秋色上層巒

杖藜尋壑游初遍倚檻冥搜興未闌濁酒一杯方大
嚼蒼煙千頃要奇觀放教眼界寬無際徑上山椒不
作難若欲攀蘿窮絕頂海濤風勁不勝寒

複嶺重岡莫土閩鼓山東峙最崇尊嶼亭詩好風濤
湧靈洞龍移窟宅存千尺翠屏宜晚對一泓滄海儘
雄吞雲煙衲載歸時晚月偃松梢玉一痕

道山亭燕集

霜簡無華鷺鳥朋退隨飛蓋上高亭霏霏空翠沾衣
濕浩浩雄風拉瑟聲已愧東山空雅志枉教南斗避
女星憂來猛把攔干拍轉覺時情未易評

酬余招討見贈詩韻

秀孕江山氣自靈余君襟度玉亭亭高軒過訪承佳
什世事開談見遠經秋色望空喬木國海商爭避客
槎星又聞占籍多陰積一戶從良近百丁

送魏參政赴邵武時與江西三省會合破

賊

盡省分麾出越營跳梁黠鼠已替驚環郊多壘真吾
責報國丹衷在此行獸困可擒須急縛民安無畏
是佳兵遙知帳繞生犀地草木風前摠戰聲一作

省郎李應中見示所藏書畫因題其後

畫省官書不片閑撥忙能結澹中緣吟餘紅藥堦前
露夢到蒼江月下船鑒定正煩君具眼收藏還擬世
珍傳古人已矣精華在時復橫披一灑然

八月八日雨中書懷

自到閩中十月餘老懷未省兩眉舒命緣限蹇行多
拙心與時違意轉踈夜枕有蝱妨睡思秋空無鴈繫
鄉書桂香簾幙中秋近愁對清輝憶故廬

小樓秋望

其下即福之西湖

芙蓉吹老白蘋風隱有游龍草有蛩湖水已翻寒日
影火雲猶作夏時峰清時還負無能責老境其如所
事慵推放小窻閑寓目秋來無物不愁容景方一作

增心苦入到
高年所事慵

寄紫山憲使

去冬相從入臺參君任平江我更南不惜殘年趨海
嶠擬將風義壓煙嵐得時可進成虛步縱說知難到

強談歸見紫山如有問此身於世百無堪
景聯一作碧雲暮合
愁多聖滿鬢

秋雨

秋暑燔空勢莫禁西風吹起傳巖霖
驅雲湧海連三日潤物回枯抵萬金
火傘炎收閩嶠瘴煙螺重越山岑
露霏未洗戈船甲愁絕孤臣一寸心

御史陳君濟來知紫山病告已滿浩然
北歸余以微官自絆留滯閩中未卜歸期
定在何日慨然感而賦此

南來同仕君先往自絆微官固可憐
書考已甘陽子下着鞭又爲祖生先
碧雲暮合人千里白髮愁攻雪滿顛
去去吳江西下路姑蘇臺上月空圓

寄參政何公

黃閣年來相業多忠腸輸瀉略無他
物情雖異歸包總鼎味能甘賴慶和
客子遠聞欣欲舞海風何慮偶揚波
時草竊違起故殘年喜見升平事
歸老田間儘浩歌

寄左丞馬公

黃閣清風相業多漢家機務到賡歌
默涵羣動歸包總力贊孤卿整燮和
春草閑嘶沙塞馬秋霖行洗越船戈
古今多少調元樣丙魏聲華未減何

即事

耳聵瞳昏久病翁暮年游宦又闌中
一句好快無三日百計隨人到五窮
每署細街慚已曠雖無私過亦何功
揣量薄分宜歸去免着通人笑未通

卧病中即事

萬慮消磨只一身，一身猶為病遭屯。老饕纔助脾神，
喜濕熱還攻眼力，昏蔬飯半盂。嗟強食物情千變苦，
難論前期七十都能幾，更有何心到競奔。

即事

地僻天荒自一方，江山環瑣瘴烟鄉。炎涼失節人多，
病勁躁難馴俗返常。媚寵王孫方怙勢，背時郭老怎
當場欲行莫克行。還阻乞取閑身且六藏。

芙蓉

平生不識翠苞纖，真色還欣到尔瞻。嬌綻葵芳無兩，
揉開裝椹葉更多。尖一溪野水明粧鏡，滿樹清香拂
繡簾。開謝已甘秋色晚，碧桃紅杏我何嫌。

卧病吟

四大尋思孰主張，百般調護不康強。火頭字尾方為，
崇肝氣脾神互見傷。秋月攔干吟袖冷，曉烟庭戶藥
鐺香。夜來一笑伸眉喜，夢裏分明到故鄉。

閩中即事

誰作新詩採衆謠，八州凋藪萃逋逃。蒼烟滿樹驚梟，
嘯白日四山聞虎號。取辦急徵農最苦，仰空哀懇彼
何高。內奸不止終多寇，閩敵徒教殺爾曹。
為官軍
民義

八月十八日野奠回入西湖開化寺

廩祿已沾三品料，浩然歸志苦遲遲。宦情老去無多，
味花樣看來總背時。林下宜尋歌鳳侶，澗阿閑詠考
槃詩。免教方寸為形役，惆悵終年抱獨悲。

送趙提舉仲遠職滿還江西

眼中薄俗日紛紛信厚如麟見趙君學館久淹雖散
秩士林輝映總多文三年提調無遺育回首歸飛隔
暮雲忠孝堂前秋色好淡煙吹滿泮池芹

即事

人微職峻作提刑正似禪僧放海青癡坐以為山鳥
怪急歸已媿草堂靈雅在邊吏部方酣飲澤畔靈均謾
獨醒樂得便行無室襖雲間高躡鳳凰翎

悠悠心事欲誰同甚是留侯智與功幸有釣舟截夜
聲免教官事縛微躬旬多病假慚虛位獄有繁冤謾
熱中穩送布帆無恙去小樓昨夜有東風謂諸君津
西風吹老一川秋劍水東南送客舟寒鴈遠賓方漸

陸野鳧群聚正乘流飛鳴聊欲伸吾志飲啄非徒為
食謀通塞既知皆素定平泉何為志窮愁

題建寧府建安堂壁

郡名改目炎興後官寺多從五代年草木不知黃落
候江山渾是寶嚴天風時雨若回天漏味厚泉甘覺
氣全城府自來多險隘高蹤誰躡漢梅仙謂東山梅
福嘗隱於此

子孺腹疾良愈謝全王二醫曹官全名立夫

王名貴和

喜向醫林得二髦河魚為祟免憂勞調和臍氣事為
切護養丹元論更高曾未決旬收勿藥併軀二豎不
容逃難忘最是真誠意答荷千金恐一毫

活庵方伎若為高濟物心均不伐勞子孺病來方作
祟脉源看處弱於毛臨機制變元多筭勿藥收功大
可褒自是理明窮隱粵不緣潛授老龍翰非大翰之
翰蓋借用

孫思邈見龍
所授之法也

贈三衢儒醫徐登孫升伯

徐卿奕世傳醫學道濟衢人蔚有功方自千金開壽
域肱非三折見良工經橫烏几筠籬靜門掩朝暉藥
竈紅我似病梨無可賦略煩料理少陵聰

又頭石橋山

龜阜煙霞小有天半空奇絕石橋山蒼龍背偃雲千
疊寶月光涵玉半環當局仙人閑遣興爛柯樵子不
知還一樽醉上山翁馬却逐流紅到世間

繼李昌道見贈詩韻以寄

當年初識歷亭仙青眼相看意愜然把臂喜談天下
事洗心如聽玉琴絃時文變古多君雅遠馭長驅並
我先北渚風煙儘瀟灑興來詩思想無邊

退觀亭南劍州摠尹張戾所構

閩右江山第一州危攔高倚九峰頭大書快覩凌雲
榜神化空驚躍劍舟冠蓋送迎無少暇風煙吟眺暫
相醺曉涼多趣善薇露醉墨淋漓想未休

九日南劍道中

龜山山長林元甲和韻有
云万里好風南去鴈兩溪

歸舟

風香弓刀入劍州登臨高出碧山頭松風度嶺吹紗
帽煙水漫溪送客舟萬里故鄉今得往一年佳節儘

為醜滿樽淥湛桑洋酒空對黃花一笑休

惘雨呈幹臣詩友

四月十一日作
時閨境祈雨

天人消息兩交通
和自羣情雨意濃
一旱迄今幾五月
四民作苦寂三農
雷燒赤尾空飛電
雲捲黃頭又變風
傳語龍棚棚下客
孚誠終始要相同

嗷嗷羣動日焦枯
何處癡龍睡未蘇
穀未見苗糧可望
麥方含實勒來無
九關變豹無餘蘊
百郡承風恐失圖
試手天瓢儻微恻
斯民斯苦果何辜

和錢神詠

幹臣二首

解穀開難到處行
雖云銅臭最關情
世緣利益稱泉貨
時便流行托楮生
武子矜豪編竟埒
魯褒貽笑愛如兄
細思最是通神處
買盡人間事不平

鉅室權門坦蕩行
反於窮薄略無情
散飛庭樹來無迹
污濁羣心到處生
取象有天還有地
縱貪無父亦無兄
存心思革交征弊
何處銅山剷可平

芭蕉扇

輕箒如蕉一樣新
楮衣筠骨製來勻
隔牕雨落驚真葉
灑面風清來故人
嘗羨楚材為晉用
却嫌紈素化緇塵
會當柄在調元手
與播南薰解愠民

近讀夜求不寐等作
覺清而頗寒
吾恐傷中和而病吾子也
因復繼前韻假辭而薰灸之亦晁補之擬騷之遺意也幸

笑覽燭影紅搖夜色侵
香添菱葉鬱重衾
鳳琶調軟歌能合
竹葉盃深醉易沉
綠鬢追歡燕市樂
翠幙歸夢越

江吟平明剗買扶頭酒不向諸兒計索金
夕坐虛窓夜氣侵欲眠還未擁孤衾書因倦讀從燈
暗物不攪懷任思沉肥適世高雷子節清貧時見曲
山吟攜游相望成三老既老能閑抵萬金

和曲山覓菜詩韻

鼎餼藜杯一粟平見君曾次匪甜罌屢聞飯糗同鯨
舜似要疾封號頡羹靈府天和流玉薤露盤詩思靈
金莖腹腴踏脆皆吾欲二者難兼恐物情
貧富因君嘆不平食前方丈對羸罍一簞雖具黃糧
飯滿豆長空碧澗羹糲料不聞波底語秋光時見墮
間莖細思清苦多吾輩愈見蒼蒼責備情

和幹臣詩魔韻

倦懷欲罷不能回啾唧嚶雜嘆欵清禁事嚴微服
入華山峰好倒看來禁持作祟非無謂狂斐緣渠不
解裁島瘦郊寒遺像在至今追想日悠哉
詩家何苦似魔為遠紹傍搜沒了期鼓舞有舒還有
條禁持似醉復如癡鼎邊苦思多窮夜江上寃魂獨
語時伴老此生成底事乾坤清氣幾人知

睡魔和韻

醺然一氣熱相纏不是晡時即午前
輒就枕九無所濟昏明心境陡相懸
見侵多自群疑後澄治無如一
敬先不羨老歐能善變化為鸚鵡舞翩翩
欠呵舒挽速如神不是愁縈即思禁釀就
黑甜濃有味撓昏靈府黯無聞
魂遊纏老三峰客茗戰推空七

碗勲經事不為渠所泥邊韶便腹見多文

和幹臣齒痛詩韻

硬齧豪餐養老鬢先生編具若為牢執流支脉知來
漸痛拔孤根訝許高縱使舌存宜晦默更堪心苦恣
焦勞休休事事從輕減急手先湏止濁醪

折齒吟自慰

朝來齒折五神驚動若山為朽壤傾缺豁醜於韓子
態嘯歌妨盡幼輿情病根何益華池漱五色空傳幻
術生駢潔浮危雖自取世間何物不虧盈

適見揔府應

詔薦章偶得一詩庶明鄙意呈幹臣

齒牙缺豁雪蒙頭更有何心接俊游一自

詔條頽兩露盡催遺逸起林丘韞藏橫玉知無限制
畫無益最可羞經濟斯時公等在此身天地一虛舟

寄胡紫山提刑

蒼顏白髮兩衰翁前歲將翔馬首東常喜笑談猶不
淺靜思行止略相同閩門凍鎖連江兩瘴海炎吹發
屋風兩地生還幸無事更何心到炬道紅

寄六祖真人

涉世筋骸百不堪只堪打坐老書龕跡難遠矚目全
眊聽不能聰耳謗耽臂痛帶來梅嶺濕心煩漸染瘴
江炎客來問訊承佳意蓄縮其如向老蚕

五月八日同幹臣遊取家池上

跼促城居鶴繫籠祿荷池上暫從容花明淡瀝池光

外詩在扶疎樹影中老厭宦游追俊彦天教閑處着
踈慵日斜尚約遲遲去散坐高槐洒晚風

和幹臣山居

細想山居有足論既便嘉靖不知貧霜封幽谷收朋
栗水漲前溪送束薪茂樹坐移隨所適良苗耘罷見
懷新隱居不見求高意千古洲明最可人景聯一作樽酒相勞

鄰曲厚樹林交蔭鳥聲新

山中有樂誠為論石上無禾未是貧溪隔圃田多滯

穗霜催林葉自添薪醉談有味漁樵熟野飯加餐笻

蕨新大朴散來非復古隱居永志果何人閑談留奇

黃圃林孤唱聽樵翁葛春曠雲腴薤園摘秋葵露
葉澗朝吟樽滋芳醪躡夜話壚煨紫辛新遠壠秋餘
多帶穗中林日霜後青山自負耕
白水親秋給

隱仕初終絕異論淵明憂道不憂貧比如違已心交
病何似行歌自負薪意外風波平地險山間煙景四
時新此生只向黃塵老笑煞羲皇向上人

和幹臣以目疾詩相傲

老來襟袍百無圖燕眼唯便幾葉書不尔心神渾散
湯豈知目力陡乖踈晚年愈種玄花盛平日豪吞綠
醕餘氣習屏除元易事急須顛倒坎離居

常倚精神壯未殊有時豪飲痛觀書形骸未化無非
苦寢餘其間敢自如赤貫瞳人昏若蔽濕留膏并吟
難除人憑手眼今如此更有何心望玉除時往性傳
余有翰苑

之命
去

掃晴婦

卷二十一

卷二十一

五

今年夏六月初方雨几六日不止前去秋
節止廿三日亟晴秋種生發能有幾日又
該云秋后一十八日百粒不結已種者為
雨所拍艱於出壟方種者曠土粘濕不易
耨作兒子輩戲作掃晴婦懸之前簷明日
開霽因作是詩以見其意云

澹粧烏髻綠衣衫一線高懸舞畫簷
笑着茗枝揮素手盡驅雲影入蒼巖
掃晴既出兒曹戲指日何殊艾子談
百穀近秋苗未立義和先斂壠頭粘

江山萬里圖

勝覽何人作此圖雄誇天險亦區區
經營意匠舉工上慘澹風煙百戰餘
並戀相夷嗤宋魏舞干來遠羨

唐虞只今一統無南北正要懷柔謹厥初
漢一辨真額
來追奔秦鹿此山虞

江山列地出新圖限隔東南見與區
區與校廟謨雖有間細看邊備到無餘
忌功去介甘捐蜀併力亡金笑傲莫千
古羨芹高議在不應成敗論終初

喪馬和幹臣韻

大夫而後不徒行為罄囊金市此乘耳
削秋筠分額髮臆團孤月映鈞膺長鳴
尚憶看雲立論力空懷以德稱得失塞
翁深領會天教閑坐着飛騰

過郭璞墓

青囊書秘造精深英法人傳冠古今
一死祗緣撥虎

墓在金山西北大江中流亂石間有叢薄
鵝鵲棲集望之如蒼雪者蓋鳥矢也

尾孤墳何故葬江心師從鬼谷宜多恠山湧晉壽不
寸侵世傳江雖大我特回舟酌公去翻翻寒鵲落蒼
水不及墓

佛狸祠在瓜洲城

江山照眼舒清眺千古興亡隨眼前瓜步市長連野
成佛狸祠古慘荒煙拖樓看取平吳日父老空傳飲
馬年此日不須開濁浪好風都屬往來舡

即事三詩奉呈幹臣明府詩友辛卯六月朔

鯨殪苗夷併放驩九官相讓濟時艱閭闔有喜科差
火煙火全踈傳舍閑雨澤潤寬無遠邇

詔條恩溥到惇鯨

聖皇撫御超前古慶曆元和未易攀

恩書一札變虞驩盡革前非免後艱星影不搖天宇
靜邊庭無事羽書閑震霆推惡無留柝霖雨思賢到
有鯨若把古先相比擬周成唐憲敢躋攀占法云民

巖廊吁咈處工驩萬死猶難謝世艱向奉御禋列死

自裁書詔盡防閑求賢不啻飢和渴發政常先寡與

鯨蟻虱小臣雖片善一時鱗翼盡期攀今歲自二月

聖裁詔條皆出自

韓齊小集呈幹臣詩友辛卯十月十日

十日秋霖不出門偶同藜杖步城根故人雅有平生
好尊酒時陪一笑溫野菊翻香恰晚節露茵團蓋任

朝暎暮歸欲乞天孫巧却歎儀曹是妄論

送同仁甫之任武陟

寬則民輕猛則殘化行州縣固應難紀綱綜務見常操
臺閣推勞不素餐能使弦歌千室樂何憂風雪一家寒
來辭請益吾何有一札 恩書與細看

秋澗先生大全文集卷二十一

秋澗先生大全文集卷第二十一

七言律詩

溪田晚歸

百物秋成次第芳野人籬落散幽光晚禾結秀爭垂
露高樹吟秋未有霜瓢飲空思罇湛綠盤餐新喜黍
炊黃歸時更得茹簷羨下澤車輕背夕陽

辛卯重九嘲幹臣周宰

九日寒花不見芳西灣招飲伴相妨驅車共載差元
約冒雨長行有底忙野吹掀翻緇布帽冷香滂盡氣
更囊渣泥踏水歸時晚也道龍山會一場

壽李夫人時九十四歲

帝悅風流見二南洞天真侶記鸞駮慈顏媛婉丹浮

頰素髮飄蕭雪滿簪九十平頭添二二百齡餘慶欠
三三今年更覺秋容好薦壽寒花滿菊潭

寄竹林劉隱君文甫兼簡苦齋詩老

蓬萊清淺到楊塵林下幽蘭有異芬萬壑烟霏分野
色一庵閑地占溪雲鸞音時接公和款樵隱林驚豹
峪君儘着青山暎華髮東州人事日紛紛

周曲山挽章壬辰三月十五日

四十年来老弟兄忍看埋玉入佳城子輿正斃酬初
志東野詩鳴豈本情六任在官無少玷一貧到骨有
餘清易車令辦棺衾事猶恐臨行累友生

哀馬希驥

人壽幾何鬼伯催抱羸赴官吁可哀乃知生死有定

蒙挽斷衣衫喚不迴千室望空絃樂一枝風折桂
林村儀牀最是傷心目愁拂春劍字埃

競渡詩并引

予前年客福唐寓舍在西湖上閩俗自四
月中為龍船戲舩鑿長木為槽首尾鱗
皆作龍形以五彩粧繪錄其腹取其澤
也上坐五六十人一棹柱面對翻並進
如箭鏡歌鼓吹自明竟夕殊喧譁也大率
爭取頭標以為劇戲踰重午乃已壬辰粧
賓節追念往事偶為賦此且詭越俗之好
尚焉又平時花竹亭館四面環合不減臨
安故亦以西湖名之

五月沅江競渡頻遺風此日見東閩大夫淪溺甘魚
腹舟子招呼問水濱鏡鼓轟翻蛟鱗室繁華淒斷綺
羅塞曲終人散青山暮招屈祠前獨愴神

獨頭木香 塔吉甫索賦

水晶簾外日初長一架醱醲雪覆牆艷冷不爭春事
晚香繁還愛獨頭芳看來玉蘂唐昌供幻出天真甌
國粧壺酒風流名字在醉魂千丈助詩狂

元夕

斗轉春城送臘寒暖回阡陌紫生煙春風兩市華燈
開夜色千門璧月圓書卷光陰清議裏梅花消息
吟邊厭厭醉裏南樓角無復情悰似少年

和曲山見贈之什

竹林舊交今無幾白髮歸來對曲山詩似春雲有
態倦如飛鳥共知還淵明高吳義皇上葛亮伊
呂間鍾鼎山林兩無濟塵埃空負半生閑

和紫山見寄四詩 正月二日作

百險歸來万里江傍人剛羨老能強閑居苦笑

拙遠宦空成林火忙少日搶揚猶雀躍只今苦霜

龜藏絕然却掃闔門坐過簡還疑近子桑 一作

晉公鐵面取將迎天遣汾亭醉六經麟出近郊休

扶鳳巢阿閣要儀刑菌搖露影從團蓋草檣墻根任

化螢天賦美材終大用不然編簡為誰青 一作大器晚

山立拂休見老成輶車風彩動蠻荆兩鄉相望三年

別四海論文六日兄諸葛奇才如汝滯漢庭公議

欲誰明只將健笔凌雲句亦是詩壇不朽名望君重為斯文

惜一領寧堪以酒名

七十人生所事休莫將開惱蹙眉頭看来世運板板

網刺却孤懷悄悄憂肉食廟堂均一飽笑談尊姐更

何求樂章聽徹醒還醉夢繞黃爐憶舊游

立春日五詩正月初九日就上作

今年春晚暖何遙庭院輕陰鎖寂寥香散南衙牛已

碎冰封北岸凍微消老逢月閨憐多日前去灯宵不

五朝居士病來花不染閉門詩思苦相撩

妾心風旆莫搖搖且着清樽永此朝詩句得吟如有

助生涯無幾強顏料平生肉食聊尔耳此日蔬盤更

寂寞休笑少陵垂白老還家曾散紫宸朝是年元日立春予時

為待制同百官望拜內廷西北

曲山一病保無他卧老行厨閱歲華貧富較來元有

分鄉閑歸到却無家粥盂得味憑藿美詩陣無前聽

鼓搗早晚黃紬紬被底醉頭舒出使排衙暗用文路公宰翼城

詩意

輕裘錦帶佩吳鉤曾作江湖萬里遊彩仗春烟縈越

首為韻中擊梅花詩興醉楊州在家貧好誰餬口万

事癡如慮破頭收取琴書林下去蓋頭拈把要先謀

為子孺欲起祿稼軒故云

立春節物最風流釵燕蔬盤開獻酬暖律潛回交泰

瑋香塵飛散送寒牛令龜有喜迎新歲任運何心接

俊游鬱鬱林梢看紫氣悠悠吾道付滄州是日卜得泰卦故云令龜

有喜

守歲夜

靈柁回颺闔戶樞亦囊懸并漬屠蘇樽留臘味為春
酒門插新桃換舊符歲事守來人潦倒窮船推去鬼
擲掄明朝最是新年喜寬大書來聽杖扶韻聯一作
措塗竈戶

醉司命火結
僕神打夜胡

元日

朔夜兒童問寢餘莫催予起動長吁圖書万国朝元
會鍾鼓千門走畜夫璿象謬回齊政斗赤靈何有碎
邪符沉沉未覩三陽泰愁絕灰心一寸蘆

和曲山詩韻寄紫山年兄

宦業初無一事成誰云禄足代吾耕最怜獨學無

友擬托隣君度此生天外鳳凰得山間風月

相迎詩來健羨凌雲句轉使孤懷不暢情

百計謀生百不成薄田無幾不任耕洗心大易常

絕拊髀劉郎肉不生勢有大行虧倚伏人無定志

將迎果哉去作山林計却恐吾儕訝不情

壯年力學老無成白髮何堪事筆耕張子田園歸有

賦老龐話語到無生一作已分歸田慕張
子有時結鞶待王生挈雲心事

輸年少拭目時和喜迓迎有客過門聞

詔語一言或補不無情

人日有懷紫山年兄効少陵清明詩格

前年人日客殊方此日相望各故鄉酒醜不虧工部
口梅華空斷蜀州腸休驚老態連眉白又喜春風上

柳黃君豈笑談稱曠達我非用捨定行藏風雲北海
捫虱花木西城夢對林晚節得同林下飲不妨閑
處看人仕茶山別業在府城西郭多植綿抄課儻奴
以栢園為事故以林黃為言

和曲山見贈高韵

我愛周兄不倚中平生臨事見豪雄從傍誰掣掣雲
手妙用都歸製錦工勿藥病懷頃止酒運斤詩筆自
成風浩然一點胸中氣莫問時污與道隆

肉鼓

肉鼓傳方出異庖玉盆凝就破昆刀縱橫碎漬獸能
錦瑩潔光翻琥珀膏暖入錫華防性爽味芳禁商想
京塵年高饜飫便天美不負吾坡養老饗

人日贈曲山周宰

近書雲物見豐年寬大書頒兩日前為穀未知明日
事得官休羨小兒權翦花作勝徒為爾覓紙題詩一
粲然遺愛祠前周老子幾時扶杖過思淵客廩舊名先
大夫所編

為靳嘉議壽

時年八十有三

人生享福壽為先不似君家樂事全春色不隨喬木
老眉毫光動百齡前風雲藥籠多陰積蘭玉堦庭點
翠妍九老圖中休着眼世間无有地行仙

琉璃肺

擊鮮為具樂朋簪辣品流馨漲綠沉犀著喜辛忘海
味霜刀爭割快牛心四筵談屑霏餘烈一縷冰漿濯
襟勝過屠門矜大嚼夢雲飛遠蹠林深一作陰
蹠音帶

簡寄

魏叅政兼謝白紵之貺

草木先聲漢嫖姚一軍奮洞掃地妖碧雲望杏江南
道白紵情深鄭國僑水閣燕閑時有待銀坑心計苦
相撩看看銅柱南邊月又見弓旌萬里招

樂全老人詩

樂全老子見輕安杖屨西城日往還論福有孫應有
子閑居非水亦非山春風滿意花遮眼曉鏡浮光酒
暈顏九老有圖匡健羨一生班列素侯間

耳聾自感

人生五十未全老天遣吾聰用晦明怪志虛傳三耳
異省心先得一根清腦鳴日作蜩蟬噪霆迅時無七
望驚物壯而衰自然理家翁稱譽轉尊榮諺云不

過顯軒先生林墓

正月十三日與陶晉卿送客回同拜墓

予二人為愴然者久之故有是作庶見夫

當哀切禱之意云

詩後七日其孫以牌疾亡

整冠趨拜栢林煙事往懷賢一慨然羽翼有圖期四

皓風雲埋恨便千年斯文未欲吾儕喪乳釋宜為造

物憐宿草黃岡重回首大書猶是廣平阡公母夫人封廣平郡

君三字蓋公親筆

良霄散步詩并序

至元廿八年冬十一月十四日同曲山小

酌林兄比軒既醺相與至珉溪家夜話歸

見月色煙霏殊有春意因念數日寒沍今

夕乃尔恐一冬不三二朝而已遂步入春
露坊衝口而成詩何夜無月何家無酒但
少閑適如吾四人耳

散步閑行不厭頻暖煙門巷越冬温話深不限城頭
鼓婦晚長敲月下門一枕黑甜饒熟睡兩螯風味夢
清樽竹宮梅信今年早准備新詩問蟻痕

和曲山題太一宮詩韻

蒼精宮闕五雲高千劫塵緣謝世勞太一祈常玉母
使真官裘被吉光毛仙家功行何多品人物中和第
一曹近日蓬壺到清淺獨留春色醉仙桃
蕭爽神庭積翠高東瀛修復堵宮勞法傳四葉光前
後望重層霄一羽毛粉飾皇圖開治道庇庶廣厦

到吾曹慇懃太一池邊月曾照銀觥醉露桃

見今上時首陳脩國史立堇首等事 醉露桃國調

喜雨

秋冬不雨到中春塊麥芽起旱塵輸販乘時祈踴
貴賤貧無策救飢民誰知一雨連三日走逐群巫謝
大鈞愚俗豈知皆帝力年年豐稔太平人

即事言懷

抱病三年白髮翁今年自覺更踈慵碗池敗墨無新
瀋書冊凝塵養蠹虫時向盟方求服食誰從卜者問
窮邇正同農畝憂春旱三日甘霖洗歲凶

涼夜

氣機開闔貴指常極慘隆炎物返傷大暑處懼前日

酷萬金難買此宵涼商飈借爽清庭戶白露先秋洗
肺腸一枕夢歸天外境廣寒宮殿夜蒼蒼

跋御史梁公題相隱君墓碑後中憲大定
二十七年進士仕至河南府少尹

當年中憲煥人文景仰脩齊表隱君三尺瑾鐫堪晤
語一家庭訓儘恭勲詩書有種餘金允簪紋傳芳見
世勛孝子思親同一致幾回瞻灑太行雲

賈祕監宅蓄大龜來自海南盈尺三尾真
靈物也觀玩之餘賦詩以詠為提點老友

一粲

神龜來自海中央登薦君家五福堂盈尺要開黃髮
壽巢蓮不羨綠毛香蒼鱗弁獵垂三尾元氣氤氳

六歲昨日朶願觀不足櫺牀長在老人傍

壽韓生弘

待扣鐘邊弟子行當年風度已汪洋循循試看青衿
子濟濟渾如上舍庠將就緝熙從灑掃擊磬蒙垢到
輝光束脩藉手嗟何有重為韓生壽一觴青於西門壘濟

漕衣冠
上舍庠

和曲山冬日述懷嚴韻

幾年青瑣列朝班萬里江湖又往還浮世舉從愁裏
過人生能肯老來閑時方多故難前料家任長貧免
後艱更有行身患寡過未能蕩緩每慚顏

送參政飛卿時改迂西省辛卯冬十
二月七日
漢庭冠劍擁群椎開濟都輸畫一功暫試邊籌

外又分春色入秦中風雲平步無餘謹肝膽疇知有
至公長使救時公等健老夫何有炬蓮紅

奉和曲山胡桃詩嚴韻

藤藜爲菓性甘良今歲收成滿市行褐殼外包金作
皺黃衣中裹玉爲穰似憐澹泊陪尊俎滿巖芳馨

肺腸聞說開元全盛日十金一梓喜新擘瀛傳美法

膏同齒

便非常

彼桃根植自羌南遺種携來漢使駮雷斧斫開驚蟄
卯雪穰翻出合歡蟾華池增潤酥同膩老頰含飴蜜
比甜想得上林初結實百官分賜露恩沾

餞中丞義甫還闕下并序

予與中丞義甫同官歷下自後君由維陽

移秦中不肖亦承乏福唐地之相去也萬
里時之契闊蓋八年于茲壬辰春正月邂
逅衛南尊酒間握手道舊殊歡暢也因話
及弊居醉經堂珉溪曰今易爲春露矣予
即曰春露堂中秋澗老君應聲云可對梅
花軒下柳溪生蓋君游蘇門稱柳溪生提
憲開封以梅軒自號故云即舉酒囑子曰
可足爲一詩見贈因輟聯成篇以先行色
其辭曰

綠波春水淨長亭樽酒相逢話故情春露堂中秋澗
老梅花軒下柳溪生十年一別渾如昨兩地相望不
易并三篋補遺蒙 睿眷 寵光浮動 漢公卿

衛南讌集纔終日歷下分携已八年玉樹風神猶夙
昔彈丸詩句轉清圓傳家有學光先業望隴求書
憶昔賢從此玉墀冠劍地漢家勲業有貂蟬第三
作肯堂有
掛傳先業

和曲山見示十六夜詩

三杯兩醖醉朦朧門巷歸時月色澄人影共三驚傑
句元宵過五贖殘燈遊觀縱美吾誰與老病相仍子
不勝昨晚詩來知勿藥樂於相對遠方朋
非隱非商處市闌出門即礙覺行難虛名籍籍知何
有世事悠悠興易闌化日舒長饒驟暖新詩吟苦有
餘寒書生伎倆宜人笑兩束賡章要不刊為曲山唱
以示來者編集成佚

寄贈總帥便宜汪壬辰正月二十
一日過衛
前日劔騎過衛幸得一識英表勉贈二章
庶見微懇

城晟袍鎧鳳花紅
嗚爽英姿百戰雄
歌雅有懷千里
隔停驂還喜一樽
全忠傳孝繼來家
法谷靜川空見
驗功自古詩書出
名將將軍今日漢
膠東
隴西名將相山東
與別諸侯揔不同
隴右風塵天一
柱將壇恩禮漢元
戎秦風儘詠車鄰
富魯泮重看
獻誠功想得朝天
承讌行教坊金纛
彩雲中

燈市行樂

人喜時和更上元
春城風物覺清妍
罇罍傾倒非吾
事杖屨游觀有樂
全澹澹陌塵燈散
後迢迢春箭醉

吟邊新詩不獨書閑適待與清時備管絃

為曲山久病作詩以慰之

曲山隱机一冬餘心事中間合滅除委巷莫悲來結
駟崩緜休詠食無魚木欺脾土宜其養詩梗吟吭可
暫踈六十坡仙年未老万緣灰冷覓牙書

再和慰曲山前韻

一身之外揔為餘應有開憂合屏除出宰莫悲淹足
驥研精休効蠹書魚兩孟充腹宜相調一盞和顏未
可踈休信安心泥禪術內經還是不刊書若以老年
內經還

若以遺懷習在
內經還是緊有書

子拜顯軒墓後七日其孫以脾疾亡復作
詩以哀之

悲風吹野白晝陰吞聲不作短歌吟尚期穉子有餘
慶少慰先生未了心玉樹凋殘天已老蘭芽助長思
空深因懷此老舍飴語地下相持淚滿襟穉子一作
委蛻也

出列子子孫者
天地之委蛻也

儻衰詩并序

儻姓李氏小字八齡十有六歲壬辰夏後
六月廿九日因戲水濱溺死俛渦予時卧
病不知以數日不來見疑其有異且覺夢
思恍惚及旬餘窮竟所以乃云已死矣為
惻然者累日其辭曰

來從汀郡六千里執役家僮二載餘兵死不教承舞
樂陸沉誰料葬河魚樵蘇晚到虞踈失庭戶長興憶

掃除善遇力傭平日事一朝不見意何如

挽摠尹湯侯

井幹臺邊始識君共山山下酌新壇攀髯猶是風雲
夢分陝仍高牧伯勲翠琰能書無媿筆石麟休認辟
邪文泉高儘慰承家望又見賢郎迥不群

題珠簾綉序後

七竅生香詠洛姝風流不似紫山胡半床夢冷珠簾
月用煙中一序情鍾樂籍圖鮪破小山犂舌掛倒翻
卓氏拍沽壚芳傑苦殫同心賞過斷行雲唱鷓鴣

題香山寺畫卷

送客當年過玉泉醉中遊賞得奇觀一泓湛碧浮僧
鉢幾葉秋黃打石欄山色空濛金界濕松聲清泛海

波寒吟鞭回首都門道斜日歸時翠滿鞍

過朝歌與苦齋馬上聯句

三十年來老友生論文談舊見微清時健在已多辛
白髮相從復此行朔吹號寒欺破帽重陰掃靜喜新
晴憂先樂後平生事一笑長驅過故城

題府判黃懋卿手卷

簿領當年憲府廳已期公叔與同升為觀臨事多難
際素有持心近厚林荷素儘高蘭省謫判花清映玉
壺冰漳南未是淹留地變化重看九萬鵬

送舍弟南歸穰下

壬辰十月廿日彭德相別

相思謂北常年事遠送漳南恨別心沙暖暫聯鴻雁
序霜寒瘦斷鷓鴣音兩鄉健在都能幾千里含情老

更深慰浣此懷知懇切不文消息到浮沉

觀光

化日舒長靜八埏瓊龍布滿紫宸班閭闔有喜科
差少煙火全踈傳舍關象緯拱環天北極聲明漸及
海東蠻春潭不用私農寶斗米三錢濟歲艱

壽右平章不怨木

黑頭便插侍中貂潯水春風憶共僚學術自初希

聖哲羽毛今果見雲霄心存經濟開公道天與精神

本朝

紫禁煙花紫繞裏青松千尺儘難凋

閱清朝玉笋班龍鱗誰似相君攀事多簡省經綸

道在從容奏對問黃閣不知金印重思亭清似玉

閣鳳池剩有如灑酒細瀉瓊杯暈壽顏一作梅花

長醉春
玉鍊顏

劍履光清斗極邊秋風庭戶淨吟氈北門視草情何

密東閣觀梅暖更妍白髮詞臣從寂寞青天鵬背鹵

三千一樽細瀉新豐酒此際於君分合偏

漢相規隨有典刑讚書今傍木微星甄陶品彙均元

化業履貂蟬自六經養浩以剛鄒孟直誠心無愧魯

齋銘細傾東閣梅花釀長對西山未了青時拜銜

賦王詹丞

宣賜玉杖

王諱慶端字甫葉城人

青宮宿衛舊將軍家世今誰萬石君千騎寵光承

眷願一枝方杖表忠勤靜臨春桂堂階月暖帶紅

鸞翫影雲若把璫璵比良德健於羅結更温文一作前日

倚咄今有効雲
臺從此策高懸

同鵬飛遊長春宮

步入方壺別有天
茫茫雲海道家山
甘河真遇自伊始
鐵鎖高垂不可攀
黑入太陰松桂老
望空玄圃水雲閑
臨漪門外春風暖
將復流紅到世間

張鵬飛治虎骨為鏡插作詩以贈

張侯骨鯁霜稜稜
削出雄軀瑩且精
厭猛細將鵝作項
差有羞與鹿同名
寢皮食肉真吾事
理髮繙經入小成
持贈有懷增老健
一簪秋氣見初橫

虎腦杯二首

帳竿圍錦稱談兵
猛腦剝來正可觥
製就要為元惡戒
飲餘便覺谷風生
瑣紋漬血紅猶濕
酒力增嚴氣未平
廣會長筵莫輕出
慮妨佞鬼浹縱橫

犀船螺笋脂粉具
老頂剝作元戎觥
擗頭無復盜跖怒
持飲頓覺陰風生
鎖紋漬血紅猶濕
酒力增嚴氣未平
鱷吸長筵莫輕出
擗掄佞鬼恐潛驚

惡却思佞鬼恐潛驚

十一月十八日壽宮小集

飛鵬

六祖真人牛教授伯祥張按察

十綫相望不易逢
一樽誰料此宵同
笑談偶得陶元亮
賓主不分龐德翁
竹葉添春冬後綠
燭華留喜夜深紅
鼎邊句就東方白
却恐彌明訝不工

詩一作笑

贈牛教授伯祥

牛君伯祥以失馬辭見示意甚悽惋
雖情之所鍾正在我輩然思而不置恐傷天和

而病吾子也故終之以電露之喻

朝看頰頰燕于飛夜聽城烏有暗啼風拉綺絲疑晤
語鏡翻鳶影夢雙樓屢空曾改安貧樂當饋難忘舉
按齊不見六如亭上客此情斷度不容悽

壽長春張真人

絳闕蓬山不易求春風瑾草夢麟洲未如華表千年
鶴纔閱人間七十秋道紀有方截妙用玄談登對動
宸旒慙慙一炷嬰香供吹滿壺天十二樓

上對

送王講師歸終南舊隱

青城仙馭本翩躚自惜繡經老閉關藜杖偶隨雲輶
出草堂今喜鶴飛還道疑甘壑冲融際詩在終南紫

去去黃塵今古道幾人回首似君開

吾交鵬飛張君壯歲論文十年三遇少聞
如意多見隱憂燕越相望契闊復爾襄年
遠別互深相愛之情判案須煩例有三惑
之誦冰清玉潔餘孰何堪下怨上疑自昔
如此在奪華而未免於吾子以何如若作
計以處時宜貴和而容衆子其行矣詩以
送之

四任邊除見壯猷空拳搏虎踏三彪得便宜處無再
往當計會時須遠謀花柳都城終歲好江山南土斲
時游倚門妻子愁仍破檣燕聲中莫少留

送左丞董君行院金陵

壘壁光寒海微深未容緩帶界分臨旌旗動色真餘
事節制無方是自侵纏索要知今日馭戎機還盡老
臣心迎仙門外生祠栢親見森森綠滿陰

朝謁柳林行宮二詩

并叙

至元癸巳二月四日臣膺憚巨文海儼居

信朝謁春水行宮於瀘曲之柳林優蒙

睿眷詔錄年名以聞引進者中丞崔或被

沐天恩敢綴為唐律二詩以表殊常之

遇臣憚謹序

漢家

天子獵非熊五柞長楊是近宮萬騎遠臨滄海右

五人同拜柳林東自憐賤子承恩眷重為斯文惜

至公更擬論思叅政議老臣何有沃淵衷

千官扈蹕翠華東詔許諸生見雪宮商嶺採芝

衛綺季新豐需命似姚崇名輝彤管猶通籍簡在

儒臣要勸忠步出禁闈傳少俟長楊高樹動春風

癸巳清明後三日偕益津李士觀登太史

臺

客中何處散幽懷放眼高明恐易裁兼覺形神未全

老試憑筋力共登臺山河繚繞陪京壯樓觀參差落

照開曳杖不知雙屣困銅駝巷陌晚歸來

奉和李樂齋登太史臺詩韻

衰茶形骸俱諱老較量筋力共登臺漸忻就日瞻天

近不憚捫參歷井回步下玉塔驚峻極立殘夕照尚

裴徊銅駝巷陌歸時晚一笑恁恁曳杖來
靈臺璇象兩巍巍夢寐三年始一窺日披陽烏翻倒
影天浮圓蓋入銅儀當時東觀張平子此日吾元郭
若思羨秘漢儒皆實學幾曾分異限藩籬

和李樂齋馬病詩韻

林都城約勝遊閉門誰作抱官囚血糊駿足幾無
眼昧庸工悔誤投策杖恐招徒步謂求全翻得覺
眉憂自今安驥君須記鍼法從來是把頭

為中丞傅陵公壽

如君富遠圖報恩多半薦賢書義方對
何婉玄素回天力有餘論入事機包細大望
見舒徐近年默數康時奏儘是汾陽極品除

喜答李六祖病後見憶

韻鄉心兩疊稠竹宮長記半冬留橘房嬉戲有真
樂鵬背逍遙忘遠遊清夢偶便旬月寢巖花空抱一
春愁朝來好得平安報香滿經臺紫氣浮

送吳僧清琬長遊上都

顛骨嶢峩峩犀插腦繙經休作越僧看潔蠲心行拋塵
累飛跳天星得妙觀化日彌淳天竺小秋風蘭若野
僧殘回頭清磬千門裏曇鉢花鮮照眼寒

挽樊君道錄

每歎玄門道有網樊君扶翅冠簪裳公材絕似張嵩
岳術異初非費長房樽酒笑談才宿昔玉棺飛墮便
蒼茫仙遊久厭人間世華表歸來意未量

答晉卿教授

蒼狗雲衣日易翻
桂薪珠米住京難
百司扈送回
盃輅一室虛
潛躬冷官老
境靜思林下
樂鄉書喜向
扶中看絳紗
慢底絃歌樂
政恐天教柰
歲寒

挽趙公同簽

不肖悼自壯歲辱知
頗厚意廣才踈竟成
墮窳日暮懷人豈勝
慨嘆魂而有知庶幾
少慰其詩曰

氣鬱元龍漢魏豪
豈容空見卧床高
力籌戎務開樞
府膽落僧齋拜
節毛陰授有機
黃石略夢歸何處
赤松邀傷心此日
題詩客老淚縱橫
濕佩刀公使日本
回相會於
平陽以本國佩刀見贈詩紙用自
疾事者蓋以公全似漢初異人

詩餞王中丞復任中慶諸路行臺愛仰之
懷義形于皦知音者無惜同賦

詔行臺自昔無
恢恢天細未容踈
濱池逐鰲真餘
霜簡收炎見壯
圖報政果符銀
作驗立朝回看
玉此身雖遠吾
民晏肯憚風沙
萬里涂銀為驗初
赴雲南時
二勞乃
將來水此銀為驗

過樞東府二首呈王院判仲常

延英殿廡風道傳
宮語近軍容自從
文武岐分
覺韜鈴勢轉推
畫戟凝香連
標衛出長揚賦云
乃命標衛此
亦囊封慎折邊
衝郁穀莫詫詩
書將谷靜

要駿功

雄見致隆折衝樽俎沃洲東庭花露重疑深

石犀寒辟軟紅國論動能參兩勢朝堂亦作寧
空歸鞞細躡輪臺詔兵寢刑清是極功

題峴山白石洞野齋序文後

東北望峴山滿馬風埃憶往還白石久聞經洞
碧雲誰似老僧閑夢驚三十年前事詩在推敲月
安得野齋相約去松風岩壑共躋攀

送王司業嗣能倅澗州

年持即使閩甌端是騎鱸汗漫遊兩浙江山真罨
畫三衢風土似中州兵餘獨重瘡痍苦政異無逾橘
謳此去新詩更瀟灑所思多在望瀟樓

完顏士慶赴任蜀省來別索詩

係金
內族

秋滿長安落葉紛天葩根異獨奇芬氣酣不在新豐

酒志遠先馳蜀棧雲幕府文書無整肅即官心事足
忠勤腰間四世千金劍又見清光湛斗文

輔提刑正臣挽詩并序

臺憲者須長道而服群醜也昔魯人以泮
水頌僖公而曰敬慎威儀維民之則載色
載笑匪怒伊教如提刑輔公有焉又如諸
生廩繼于邁思樂何啻采芹藻而已不肖
猥繼公後親覩斯美豈勝歎歎蓋學校乃
國家之元氣故予特以崇學為言使留心
於簿書米鹽間者聞先生之風庶幾知所
自云秋澗王惲謹序

登清心事具褰帷只道剛稜未盡知霜逐簡華森憲

府力宣風化作邦基廟堂留像瞻遺愛寒藻翻香舞
頰池夢到養源堂上月至今鐘鼓似清時

前年學館拜遺祠此日看君墮淚詩飲食固云飢渴
易教條能盡後先宜牙霜肅政潛臬獻文藻翻香舞
頰池夢到養源堂上月至今鐘鼓樂清時

李廷珪墨潘世傳能定人神志予病又思

若恍惚因假之師盃研汁一盃飲之戲漬
餘醴賦詩以見無聊賴之緒時癸巳八月
朔日也

龍齋如珪獨擅唐洗心今試秘

滿意濃薰月露香靈府策

文戰非吾事正

送鄧卽仕繹州

我客京華識鄧卽恍如身在齋榜三年載筆同詞
館一字論文憶夜林老去光陰都幾許別來雲海尚
相望玉堂昨夜秋風冷夢裏歸心到汶陽

秋澗先生大全文集卷二十一

秋澗先生大全文集卷第二十二

誠說堂

三牲致養應爲易揚子怡親志所難滿抱忱誠無少
慊一杯菽水見貞歡誅歌豈取時人譽溫清思貽後
嗣看想得歲時稱慶處春風香藹紫庭蘭

史宣慰子明友松亭詩

壯歲英威大樹馮老依松翠養襟靈秋聲幾泛投壺
唱偃蓋空懷倚杖形華屋丘山驚夢斷玉堂編簡為
君青千年貞魄棲脩幹不信龍泉閔夜高

壽張左丞子交

甲午正月十六日

箕尾儲精一氣氲仰看風骨秀而神青宮羽翼風雲
舊黃閣調和鼎鼎新若論球時非易得與同熙載更

誰親一盃重為君侯壽紅藥塔前要好春
春坊壁月挂瓊枝人物風流映一時四海蒼生欣望
愜兩宮和氣對時熙西池進讀露殊遇東閣追攀辱
舊知此日壽君宜有頌載歌箴傲武公詩
供職詞林已四年今春添壽倍增妍詩如東閣梅花
細人在春坊壁月圓漢業翼成無跡考遂初亭暖覺
春先沙堤有語蒼生福好在論思拱御筵
今歲調元事體新風雲開闔入經綸兩宮受賀安磐
石萬國歸心有老臣相業儘高麟閣讚醉吟時到野
亭春五雲深颺台星爛長見清光拱北辰

甲午歲正月二十三日右丞何公麟華旦
謹奉唐律二章介眉壽

婆婆一畝陰貞姿不受歲寒侵侍謀東閣時情
協養浩南窓夜氣深閑縱詩懷穿理窟靜觀蟻易見
天心百觚剩有春風釀重為明時要細斟
叢臺核服士如雲又見聰山一氣春帷幕細談天下
事典刑渾是老成人詩來東閣梅花細歌入民謠漢
法新健羨武公宜自傲太平勲業畫麒麟

過左副賈相公新阡

左副新阡何處尋邗陽東北望喬林連城政美無瑕
壁萬卷書多遺子金冠劔圖形凌閣重風煙埋恨石
麟深峴山欲墮豐碑浹桃李公門綠蒲陰

彭澤二賢堂為江州周使君賦

歛裳宵逝無三月待臯鳴琴蒲五年與論行藏元有

異比量心事本同然浴光力取冥淵日示照忠疑甲
子編千古新祠祠下月不應獨照二公賢謂分光於使君也

李清甫分齋

鷄飛不過文尋間鵬翼雲垂九萬搏每自付量彙秉
外就中增損一毫難洗心狹習從多可放眼青天有
達觀拈取榜齋才隻字此身還有泰山安

送表弟雲卿經歷赴上都先時韓壽院判

仲常詩有通介不隨新進士蓋益依舊老

書生之句大為玉君稱賞及此行仲常用

元韻餞贈韓持詩見示亦請子依韻相送

因勉為賸賦

樞庭機務貴謀成調議中間執倚平經事莫深吾弟

慮臨機能盡上官情正煩幕畫孤忠壯肯着車輪
角生明日馬頭新店路居庸山色照吟觥

秋日宴廉園清露堂并序

右相康公奉

詔分陝七月初十日宴集賢翰林兩院諸

君留別中齋有詩以記燕衍因繼嚴韻作

二詩奉

平章相公一粲時坐間聞有後

命故詩中及之

何處新秋樂事嘉相君絲竹宴茅華風憐柳弱婆娑
舞雨媚蓮嬌次第花照眼東山人未老舉頭西日手
空遊宿筵醉裏聞佳語喜動金拌五色瓜領照一作高雲錦帶

紅涼吹翠蓋
紅桂簇萬花

朝野歡娛到靖嘉五年經制見金華先聲遠動秦川
樹後命光融紫禁花歸騎不妨沙路晚留中恐為
國人遮暗用司馬瑞明自慚忝列絲綸地憔悴秋風
一繫瓜

德壽殿玉方池研

理宗所御德壽殿為太
皇太后居殿緝熙講經

殿也現即
碧綠

玉斲坤形靈四溟丹書猶認壽宮名紛紛落墨騰蛟
霧浙浙秋風位瑟聲神物不知崑火烈碧絲今對玉

堂卿眼中多少興亡事白髮孤臣寂愴情當時同僚
承旨留中

齋學士劉東崖侍讀
趙方瀉皆宋人也
甲午秋七月九日扈山地約李君水芝之會

予以事不克往明日例徵詩因繼中齋韻

陪京秋早物華清杖屨迎秋出綺城蓮社與吟千葉

白盤餐非為五侯鯖眼中閣老何蒲洒意外浮名任

易更唯有柯山山上月歸心同照石梁橫

飛蓋追隨野興清冷煙疎雨濕層城兩舷踏足空蓮

唱大嚼過門得鼎鯖錦席高雲增爽朗秋風殘暑喜

交更竹西歸晚留餘思詩在夕陽澹處橫

為周紫岩賦冬日牡丹

蘇州人右職出身
新蒸兩浙行省事

中齋
索賦

翦翦江風十月霜寒梅時序見花玉一枝重薦金盤

瑞蒲幄濃薰麝粉香協氣暗扶忠節壯名葩來伴紫

岩芳故園從此恩光爛卷裏題詩半玉堂

再繼前韻贈中齋承旨

先生襟韻氣之清開府歸來客薊城雅集不知河朔
飲名談有味德麟歸心落日常躑躅世事浮雲任
變更夢到柯山山上月流光還愛石梁橫

賀梁參政陞拜左轄

故都喬木百年春累葉簪纓得相君馬出渥波騰逸
氣豹藏玄霧見奇文十年佩玉何清響一見英標勝
素聞剩說鼎調多至味兼收時到野人芹

題奉常李謙甫歸觀詩卷

十載馳書望玉闕一朝羅拜喜生還溫顏孺慕猶親
側秉燭相看似夢間棣萼香凝姜被暖故鄉誰羨錦
衣班鶴鵠庭樹春多少車馬西行恧 詔頒一首句

四十年四部殊城喜生景一
華辭承餘謙樂錦衣誰夢照卿國

賀唐承旨新堂落成

碧鷄華構喜新成軒瑣虛明夜白生花影入簾詩思
淑琴聲當戶月華清人生孰若安居樂樽酒重尋
雨盟不作老張輪奐頌玉堂青議正煩卿

甲午八月一日赴李揔管蓮塘之會坐中

走筆賦此

斗酒初醺倚畫欄綺花紅映万珠盤野烟高柳吹衣
濕碧落銀河照眼寒老去自知情味減與來思盡故
人權相逢一笑真難得况復君侯禮數寬

諸人酬詠既已復和前韻

垂柳橫橋轉赤欄望中清興散愁盤玉淵堂迥山光

碧秋水臺高午景寒爛熳不知前日會唱醜當記此
時歡平生肝膽向人盡不是悲秋強自寬

甲午中秋日宴同僚洪公東第賓僚集賢

翰林兩院而已將暮雲陰四合既歸月明
如畫偶賦此詩且記盛筵三首

今年秋夕賞心何絲竹堂深間雅歌三院盍簪都下
少四筵登味海東多休辭皂蓋停車轂盡倒清樽待
月娥兩袖桂香翻未盡更憐歸路影婆娑
赤囊無騎海無波今歲中秋樂事多為愛願軒吟吳
逸來陪詞客醉時歌紅雲照眼瞻天近白髮欺人奈
老何連夜暮歸驚夢異林間金背看陂陀
稍稍英氣秀橫秋此日青雲接燕遊賓府笑談詩禮

帥故家人物鳳麟洲為憐桂影饒清賞歸避金吾怯
晚留為見願軒慤厚意更將遺吳較詩籌

題高和甫侍郎先世圖譜後

故都喬木幾蒼二高氏宗支庚緒長兩世簪纓登相
府百年忠孝見諸郎解紛晉漢多陰積歛社韓劉避
耿光十襲室箴防墜侏衛公遺物要同芳

送東崖學士總尹建昌軍九月十三日

待詔詞林整十年黃金橫帶列朝班紅雲繡屐瞻
天屢白晝鄉關着錦還顏筆謝詩增曠達銅陵碧澗
夢躋攀殷勤華子崗頭月光借清光浣別顏

遊水峪

兩沐山容曉更鮮峪深行入洞中天林間石碓傳經

鉢嶺掩雲封種玉田世味酸鹹誰自信人生聲利古
難全道人歸潔宜諳此抱石歸來煮夜泉

今秋山北迂回鑿偶得新詩記往還臣子要知吾分
在功名休問左天慳滿軒光寵昼庸道兩袖風煙水
峪山同見同游又同樂從容恰及一旬間

過誨之高兄新屋

高子幽居遠若村北城城下柳葳門寒因霜早收梨
栗貧喜家安遺子孫閑裏有詩渾湧與客來止酒對
空樽自慚過訪成踈曠戀戀相看到日昏

為洪同簽書諸公中秋燕集詩卷因題于

後

詩鏗鑿碧空雲一樣書來更可人落墨空翻

黑清吟真有鴨江春鷄林取重吾何有樞相知音世
罕倫還笑愛鵝王內史寫經時與羽流親

壽泉平章

兩朝元老漢刑儀宣室深香侍受釐博識不遺三篋
秘拜公應較十年遜敢從汗簡聯清秩喜為裁詩薦
壽危瀚海綠波三百曲歲浮春色上芝眉

壽董承旨

正月十七日

百觚春酒遐年壽十首新詩二品官窮達不為身外
計功名儘向後來看細圍野隱明歸志靜撫孤松愛
歲寒此日稱觴宜有頌兩宮恩眷古為難

送縉雲教官伯讓之任浏陽仍和見贈韻

縉雲遙裔以才聞遠任長沙吊楚臣論學拜官甘冷

職過門求益有斯人道傳伊洛真吾事詩到齊梁恐
後塵領取漢家声教去六經何地不陽春

元貞二年丙申元會日大雪

万室陳庭未是奇千官朝颺王為墀靜看整々斜々
態不礙蹠々濟々儀法部氣嚴催箭舞御炉烟澹
濕寫旂小臣歸美豐年慶不數元和賀兩詩

送省掾李希顏隆興總判

西京人

春水延芳菴從辰笑談鞍馬見情真幾年畫省含香
掾一日公堂入幕賓政異莫如官事簡心丹回夢帝
城春古稱四海皆昆弟洒落如君有幾人

題彭壽之慶八十詩軸

竹色宮墻野粉黃百年遺老見張蒼青雲仕宦思

昔白髮光陰在故鄉步履健不知鳩杖勁眼明猶烟竹
書光若從九老徵遺事好着丹青畫宝坊

大賢詩三首并序

甲午歲正月廿二日癸巳借翰林諸君謁
太傅伯顏公於東城甲第之北堂公姿威
不見猛簡不失和貞魁傑人也公初至燕
首詢諸何右轄曰翰林諸老今在者誰及
是歷問各官壽期今拱何職醴禮間顧相
謂曰

朝家所以養諸老者正以乞言論政而已
如事會議各顧官守未免或偏若集之同
僚則議論通一所益良多某曰前世立益

政院者正此意也中丞崔相亦以為然乃
知公深謀遠至氣量含弘 朝廷之上軍
國大計心無或不在所謂大臣以道事君
者也既而公出衆侯門屏間遣純綱來謝
曰下敢多勞遂退因得大賢詩一首純其
披觀之快後二年公府掾張楚持畫像懇
予哀挽既書鄙辭載惟疇昔情有不能已
者且念六合雖一相業未展天不憇遺哀
斯民之不幸也噫因附錄于後

萬馬龍驤宿漠陲朔雲邊雪避旌麾
麟遊近數人歌瑞虎在深林氣甚夷
鮮甲齊山降宋日鞠躬趨陛下
朝時有懷不盡蒼生事空詠皮公七愛詩

使華來自海西邊一日風雲誰將壇仁信有餘收戰
格旌麾不動下臨安應憐文武臣時切忍對麒麟畫
像看不獨臨淮開府掾追思勲德淚闌干

軍容機政兩儀刑自有胸中節制兵直道事君忘智
勇丹心為國儘忠貞風雲感會千年契始鼓歸來六
合清遙想翠華秋彌際
聖情凝佇聽鼙聲

異菊圖一枝十花容色各異未之見也故
賦

枉說重巖細菊班連眉十樣更清妍不辭老圃秋容
澹要見花神景氣偏越被香濃薰百和柴桑人去已
千年醉吟不用江州白此日東籬得董仙

百品沅芳見已稀，一板獨秀更堪奇。秋陽借暖留三徑，翠袖分香列十眉。竹外晚粧明閣院，月中青女要新詩。繁華淒斷長沙夢，盡畫淵明又一詩。

聞友人買犀帶

聞君饒價買犀躡，佞為精神見老年。論品要勝華袞，異垂腰猶欠王魚。懸過天即是裴公賜素髮，其如白傳顛留取百錢。休妾費安排開歲置貂蟬。

贈濬州朴生子温

踵門來謁樂新知，自說容城指授師。孤鶴遠從華表下，六經都向管中窺。西山掃墓懷私淑，東都趨庭儼聖恩。莫把一簞顏氏樂，春風吹作錦囊詩。

送總統佛智師南還

釋教總統佛智大師，姓積寧氏，名沙羅巴。華言為吉祥慧也。西番人，祖相嘉屹羅父沙羅觀，以象胥主譯諸經。至師八世矣。師早侍帝師，發思巴受知先朝精詳內典，又喜儒書，樂與吾屬游。元貞初，選師為江淞總統，明年卒。諸山長老入覲，獲侍清燕，啓沃一言，煦燠三吳。同熙大覺，未歸。江東父老投牒行臺，趣師南還，將行以贈言為祭，因賦是詩以送。

白足毗耶不易逢，鬚絲禪榻偶相同。經來震旦三千界，人在天龍八部中。滿送酒船浮北海，細薰香霧供南豐。江東父老催飛錫，要沸潮音與海通。

與梁揔判楊少監武子劉揔管叔謙會梁
都運高舍別墅夜話帳中樂怡也梁君
索詩因書此以荅雅意元貞三年二月十

八日也

問字嘗思過子雲一樽梁野喜情親清燈夜話逢知
友喬木蒼烟憶世臣野水添杯無盡藏戾門儲慶有
餘春五枝休數燕山寶黃閣經綸見秉鈞

挽子敬揚君終唐州知州子裕母弟

青血陵陀閔夜泉鵲鴿庭樹已蕭然一樽色飲留情
話五馬長歸是別筵黃壤冷埋林下壁綠波空泛暮
中蓮息軒未覺風流速行見吾甦歷試年

送李敬甫之任靖江揔管

海山蟠巨十州環桂嶺西南隘漢關吾子有材稱吏
治土風從古彌時堅老天形勢開炎德赤子龍蛇雜
洞壘交致息咸民事之憂旌歸早慰慈顏

呈高麗世子

霞綺紅潮鴨綠清風安渾是父王英礼文曲折猶周

制脂澤溼濡見漢甥衡宇接談今日款中堂

陪宴嚮來情鳳臺池上應面憶慚愧朱絃一再行

冬日海棠

玉環朝醉綠雲鬢眩暈幽軒不信冬春色暖私神草
異丹砂重見海洲紅銀缸侍寢留高照青女憐嬌偽
動容似與方平慰親老金盤佳品不教空

壽唐承旨母王氏承旨五六歲授

教子堂深暎謝幃，碧梧停鵠發英蕤。燕脂點額猶宮樣，懿範齊家備母儀。香裏寫花回紫誥，雪封梅信動橫枝。百年好在升堂拜，歲一分香入壽卮。

慶王彥舉太夫人九秩之壽

花柳西池點翠妍，姮娥曾現竹宮烟。年高賜幣承恩重，子孝能忠見母賢。女誠看未形管煒雲花行墮，誥寫鮮風流九十人。間福纔是平頭第一篇。

和樞院王仲常雪詩嚴韻

龍武新軍宿禁墻，銖闕風急走降王。雅歌望絕皇華使，朔雪春回黑帝祥。四海同風有今日，九天清吹表戎行。兩宮和氣春如水，併捲流霞入壽觴。

壽王仲常院判

顴骨清竒類左山，紅雲香軟侍天顏。處心久在外，沉外着我何妨伯仲間。密學潛隨宣底轉，新詩清與化機閑。太平有象邊聲靜，醉聽長歌入漢關。

題節婦寧氏手卷

蘭有幽姿竹有筠，秋霜鹿戶韻清芬。誦詩已矢靡他節，在禮初無再醮文。蟋蟀聲寒思曉織，若嵩魂黯夢孤墳。楚王祠下秋原迥，消得旌書倚碧雲。

贈高麗樂軒李叅政甥朴學士中統初子

載筆中堂嘗陪先相文會，且有唱和今觀高標日暮，懷人不覺慨歎。因賦是詩為贈，情見乎辭。

鴨綠江頭老謫仙，醉中吟諷得微言。當年翰學推賢

相此日高風得樂軒白雪陽春元寡和翠鷺朱鳳
看同翻鳴江秀色雖林筆歲封章入紫垣

題保定醫學劉教授慶八十詩卷

八秩光陰積慶多笑看金狄手摩挲前知來事疑
思邈集驗儒門似子和藥籠功名閑等第醉鄉風月
飽經過雞川如畫郎山秀好在春風十二窠

和贈高麗鄭學士詩韻

豹管潛窺見異姿難林詩好動京師思深自比滄

涸澗國小方姿節相毗寶瑟聽來多雅唱人生樂處
是新知蓬山歸到梅花在千樹清香醉拾遺

和雪中鄭朴二學士金司業來訪詩韻

風雪長安撲玉塵詩成駟背欲誰親海東游子興不

淺醉裏微言語更真膜拜尚思瞻國老過門今喜得
陶賓人生適意無南北宮錦淋漓未厭頻

挽馮廉副壽鄉友契

漢署千官列兩曹當時儀物簪清標肇囊議事驚孤
注霜簡摧姦見六條樂府名香金鳳曲揚橋風細月
明簫雪崖遺恨埋千古大樹風悲日寂哀

養志堂詩

補前江西省郎中孫居仁字謙

幾年臺省列清班難作理重門嫌教衰色為時刃恢恢政
務閑順志如詹推致養為親捧檄即承顏餘歡方在
恩榮際純孝初非口舛間開卷諸公足歌詠自今錫
類滿鄉關

高麗國王謝事詔卅子嗣位東還詩以送

禁衛東林得象賢
遠持龍節赴真傳
靜看麗海風雲契
更覺天東雨露偏
萬里籠光陸
帝館三韓春色入
吟鞭百年藩屏
敦姻好合有忠精在
日遣

秋澗先生大全文集卷第二十二

